

**REGIONAL NEWS UNIT
ALL INDIA RADIO, AGARTALA
Date: 24-11-2025
Time: 07:55-08:05 PM Hrs
BENGALI EVENING BULLETIN**

Headlines :

- (১) মুখ্যমন্ত্রী অধ্যাপক ডা: মানিক সাহা আজ মুখ্যমন্ত্রী গ্রাম সম্পর্ক যোজনা, দ্বিতীয় পর্যায়ের মুখ্যমন্ত্রী ত্রিপুরা গ্রাম সমৃদ্ধি যোজনা এবং ১৫ হাজার পরিবারে মেগা গৃহ প্রবেশের ভার্চুয়ালভাবে উদ্বোধন করেন।
- (২) মুখ্যমন্ত্রী অধ্যাপক ডা: মানিক সাহা আজ আগরতলায় বিদ্যালয় শিক্ষা দপ্তরের অধীনে ১০২ জনকে শারীর শিক্ষক এবং ৫৫ জনকে স্পেশাল এডুকেটর পদে নিয়োগপত্র প্রদান করেন।
- (৩) প্রধানমন্ত্রী নরেন্দ্র মোদী আজ নতুন শ্রম সংস্কারগুলির প্রশংসা করেছেন।
- (৪) বিচারপতি সূর্য কান্তু আজ ভারতের ৫৩তম প্রধান বিচারপতি হিসেবে শপথ গ্রহণ করেছেন।
- (৫) ত্রিপুরা ক্রিকেট এসোসিয়েশন পরিচালিত সদরের অনূর্ধ্ব ১৩ বছরের ক্রিকেট প্রতিযোগিতায় চাম্পামুড়া চ্যাম্পিয়ন হয়েছে।

Mukhamantri Gram Samparka Yojna :

মুখ্যমন্ত্রী অধ্যাপক ডা: মানিক সাহা আজ মুখ্যমন্ত্রী গ্রাম সম্পর্ক যোজনা, দ্বিতীয় পর্যায়ের মুখ্যমন্ত্রী ত্রিপুরা গ্রাম সমৃদ্ধি যোজনা এবং ১৫ হাজার পরিবারে মেগা গৃহ প্রবেশের ভার্চুয়ালভাবে উদ্বোধন করেন। এই উপলক্ষ্যে আজ আগরতলার প্রজ্ঞাভবনে আয়োজিত এক অনুষ্ঠানে মুখ্যমন্ত্রী বলেন, গ্রামীণ এলাকার মানুষের উন্নয়নে রাজ্য সরকার স্বাস্থ্য, শিক্ষা, যোগাযোগ সহ প্রতিটি ক্ষেত্রে স্বচ্ছতার সঙ্গে কাজ করছে।

মুখ্যমন্ত্রী বলেন, প্রধানমন্ত্রী আবাস যোজনায় ১৫ হাজার পরিবারের একই সঙ্গে পাকা গৃহে প্রবেশ রাজ্যের জন্য একটি ঐতিহাসিক দিন। তিনি বলেন,

মুখ্যমন্ত্রী গ্রাম সম্পর্ক যোজনা ও মুখ্যমন্ত্রী ত্রিপুরা গ্রাম সমৃদ্ধ যোজনাগুলির সুফল দ্রুত গ্রামাঞ্চলের মানুষের কাছে পৌঁছাতে হবে। ফলে গ্রামীণ এলাকার মানুষের জীবনযাত্রার মান উন্নয়নে এক নতুন দিগন্ত উন্মোচিত হবে।

রূকস্মরে প্রধানমন্ত্রী আবাস যোজনায় ভাল কাজের জন্য রইস্যাবাড়ি, করবুক, তেলিয়ামুড়া, কলাছড়া, মোহনভোগ, জোলাইবাড়ি, চল্লীপুর ও লেফুঙ্গা রূককে আজ পুরস্কৃত করা হয়। জেলাস্তরে প্রধানমন্ত্রী আবাস যোজনায় ভাল কাজের জন্য প্রথম স্থান অর্জন করেছে উত্তর ত্রিপুরা জেলা। দ্বিতীয় উনকোটি জেলা ও তৃতীয় স্থান অর্জন করেছে পশ্চিম ত্রিপুরা জেলা। অনুরূপে মুখ্যমন্ত্রী সংশ্লিষ্ট বিডিও এবং জেলাশাসকদের হাতে শংসাপত্র ও ট্রফি তুলে দেন।

CM-Offer Distribution :

মুখ্যমন্ত্রী অধ্যাপক ডা: মানিক সাহা আজ আগরতলায় বিদ্যালয় শিক্ষা দপ্তরের অধীনে ১০২ জনকে শারীর শিক্ষক এবং ৫৫ জনকে স্পেশাল এডুকটর পদে নিয়োগপত্র প্রদান করেন। এ উপলক্ষ্যে মুক্তধারা অডিটোরিয়ামে আয়োজিত অনুষ্ঠানে মুখ্যমন্ত্রী বলেন, বর্তমান রাজ্য সরকার প্রথম থেকেই স্বচ্ছতার মাধ্যমে সরকারি চাকরিতে নিয়োগ প্রক্রিয়া জারি রেখেছে। যোগ্যতা থাকলে অবশ্যই চাকরি পাওয়া সম্ভব। বিশেষ সচিব রাভেল হেমেন্দ্র কুমার স্বাগত বক্তব্য রাখেন। বিদ্যালয় শিক্ষা দপ্তরের অধিকর্তা এন.সি, শর্মা বলেন, শারীর শিক্ষকদের রাজ্যের বিদ্যাজ্যোতি বিদ্যালয়গুলিতে পোস্টিং দেওয়া হবে, যেখানে শারীর শিক্ষাকে একটি বিষয় হিসেবে শিক্ষার্থীদের পড়ানো হবে। তাছাড়া স্পেশাল এডুকটরগণ দিব্যাঙ্গ ছাত্রছাত্রীদের প্রশিক্ষণ দেবেন।

MLA Team-UNAKOTI :

বিধায়িকা স্বপ্না দেববর্মার নেতৃত্বে রাজ্য বিধানসভার লাইব্রেরি বিষয়ক কমিটির সদস্যরা আজ থেকে উনকোটি ও উত্তর ত্রিপুরা জেলা সফর শুরু

হয়েছে। কমিটিতে অন্যান্য সদস্যরা হলেন বিধায়ক জিতেন্দ্র মজুমদার, রামু দাস ও নয়ন সরকার। প্রতিনিধিদলটি আজ দুপুরে প্রথমেই ঊনকোটি জেলার ফটিকরায়স্থিত কুমারঘাট মহকুমা জন গ্রন্থাগারটি পরিদর্শন করেন। তারা গ্রন্থাগারের পরিষেবা ও পরিকাঠামো সম্পর্কে খোঁজখবর নেন এবং স্থানীয় জনপ্রতিনিধি ও সরকারি আধিকারিকদের সঙ্গে মতবিনিময় করেন। উপস্থিত ছিলেন ঊনকোটি জিলা পরিষদের সভাপতি অমলেন্দু দাশ, কুমারঘাট পঞ্চায়েত সমিতির চেয়ারপার্সন সুমতি দাস প্রমুখ। প্রতিনিধি দলটি গ্রন্থাগারের পাঠক-পাঠিকাদের সঙ্গেও কথা বলেন।

Package Story–Naksha to be implemented :

কেন্দ্রীয় গ্রামোল্লয়ন মন্ত্রকের ভূসম্পদ দপ্তরের পাইলট প্রকল্প নকশা বা ন্যাশনাল জিও স্প্যাশিয়াল নলেজ বেসড ল্যান্ড সার্ভে অফ আরবান হ্যাবিটেশনস। প্রকল্পের প্রথম পর্যায়ে সারাদেশের ১৫১টি নগর এলাকাকে চিহ্নিত করা হয়েছে। রাজ্যে এই প্রকল্পের আওতায় একমাত্র চিহ্নিত হয়েছে আগরতলা পুর নিগম এলাকা। প্রকল্প রূপায়নের অন্যতম দায়িত্বে রয়েছে রাজ্যের ভূমিলেখ্য ও ভূ-জরিপ দপ্তর। দপ্তরের অধিকর্তা জানালেন, নগর এলাকায় এই জরিপের ব্যাপারে সার্বিক প্রস্তুতি চলছে। এনিয়ে একটি প্রতিবেদন।

#####VC#####

Update Akashvani :

এখবর শুনছেন, আকাশবাণী আগরতলা কেন্দ্র থেকে।

#####Sound Byte#####

আকাশবাণীর সংবাদের আপডেট পেতে লগ ইন করুন – ডব্লিউ. ডব্লিউ. ডব্লিউ ডট নিউজ অন এ আই আর ডট কম এবং নিউজ অন এ-আই-আর অ্যাপ, এবং টুইটার ও ফেসবুক প্লাটফর্মে-এ এ-আই-আর-নিউজ-

এলার্টস-এ। ইউ-টিউব-এ লক্ষ্য করুন নিউজ-অন-এআইআর-অফিসিয়াল-এ।

এছাড়াও আকাশবাণী আগরতলার সংবাদ আপডেট পেতে দেখুন টুইটার বা এক্স হ্যান্ডলে আকাশবাণী নিউজ আগরতলা / ফেসবুকে এ-আই-আর নিউজ আগরতলা এবং ইউ টিউবে আকাশবাণী নিউজ আগরতলা।

PM, Labour Reforms :

প্রধানমন্ত্রী নরেন্দ্র মোদী আজ বলেছেন যে সরকারের নতুন শ্রম সংস্কারগুলি ভবিষ্যতের জন্য প্রস্তুত অর্থনীতির প্রতি অঙ্গীকার, সম্মতি সহজীকরণ, মহিলা কর্মীদের ক্ষমতায়ন এবং বিশ্ব মূল্য শৃঙ্খলে দেশের অবস্থানকে শক্তিশালী করার প্রতিফলন। কেন্দ্রীয় মন্ত্রী মনসুখ মান্ডভিয়ার একটি নিবন্ধ শেয়ার করে শ্রী মোদী বলেছেন যে বিশ্ব বিশ্বস্ত বৈশ্বিক অংশীদার হিসাবে ভারতের উত্থানকে স্বীকৃতি দেয়।

Chief Justice :

বিচারপতি সূর্য কান্ত আজ ভারতের ৫৩তম প্রধান বিচারপতি হিসেবে শপথ গ্রহণ করেছেন। রাষ্ট্রপতি দ্রৌপদী মুর্মু আজ সকালে রাষ্ট্রপতি ভবনে বিচারপতি তাঁকে শপথ বাক্য পাঠ করান।

Oath Taking

শপথগ্রহণ অনুষ্ঠানে উপরাষ্ট্রপতি সিপি রাধাকৃষ্ণন, প্রধানমন্ত্রী নরেন্দ্র মোদী, লোকসভার স্পিকার ওম বিড়লা এবং স্বরাষ্ট্র মন্ত্রী অমিত শাহ, প্রতিরক্ষা মন্ত্রী রাজনাথ সিং, বিজেপির সর্বভারতীয় সভাপতি জেপি নাদ্ডা সহ কেন্দ্রীয় মন্ত্রীরা এবং অন্যান্য বিশিষ্ট ব্যক্তিবর্গ উপস্থিত ছিলেন।

১৯৬২ সালে হরিয়ানার হিসারে জন্মগ্রহণকারী বিচারপতি সূর্য কান্ত ১৯৮৪ সালে হিসার জেলা আদালতে আইন অনুশীলন শুরু করেন। তিনি সাংবিধানিক, পরিষেবা এবং দেওয়ানি বিষয়ে বিশেষজ্ঞ। বিচারপতি সূর্য

কাল ২০০০ সালে হরিয়ানার সর্বকনিষ্ঠ অ্যাডভোকেট জেনারেল নিযুক্ত হওয়ার গৌরব অর্জন করেছিলেন। ২০১৮ সালে হিমাচল প্রদেশ হাইকোর্টের প্রধান বিচারপতি নিযুক্ত হন। ২০১৯ সালের মে মাসে তিনি সুপ্রিম কোর্টের বিচারপতি হিসেবে উন্নীত হন। ভারতের প্রধান বিচারপতি হিসেবে বিচারপতি সূর্য কান্তের মেয়াদ প্রায় ১৫ মাস থাকবে।

Dharmendra :

প্রয়াত হয়েছেন শোলে ছবির অমর চরিত্রাভিনেতা ‘বীরু’। তিনি বেশ কিছুদিন ধরে অসুস্থ ছিলেন। বলিউডের প্রবীণ অভিনেতা ধর্মেন্দ্র’র মৃত্যুকালে বয়স হয়েছিল ৮৯ বছর। মুম্বাইয়ের ভিলে পার্লে শ্মশানে ধর্মেন্দ্রর শেষকৃত্য সম্পন্ন হয়েছে।

রাষ্ট্রপতি দ্রৌপদী মুর্মু, উপরাষ্ট্রপতি সিপি রাধাকৃষ্ণ এবং প্রধানমন্ত্রী নরেন্দ্র মোদী প্রবীণ অভিনেতা এবং পদ্মভূষণ পুরস্কারপ্রাপ্ত ধর্মেন্দ্রের মৃত্যুতে শোক প্রকাশ করেছেন। সামাজিক মাধ্যমে রাষ্ট্রপতি বলেছেন, প্রবীণ অভিনেতা এবং প্রাক্তন সংসদ সদস্যের মৃত্যু ভারতীয় চলচ্চিত্রের জন্য এক বিরাট ক্ষতি। উপরাষ্ট্রপতি সিপি রাধাকৃষ্ণ বলেন, লক্ষ লক্ষ মানুষের প্রিয় আইকন ধর্মেন্দ্র তাঁর অসাধারণ অভিনয় এবং শিল্পের প্রতি অবিচল নির্ভার মাধ্যমে ভারতীয় চলচ্চিত্রের ক্যানভাসকে সমৃদ্ধ করেছেন। প্রধানমন্ত্রী নরেন্দ্র মোদী বলেন, ধর্মেন্দ্রের মৃত্যু ভারতীয় চলচ্চিত্রের একটি যুগের সমাপ্তি। কেন্দ্রীয় স্বরাষ্ট্রমন্ত্রী অমিত শাহ, প্রতিরক্ষামন্ত্রী রাজনাথ সিং এবং তথ্য ও সম্প্রচারমন্ত্রী অশ্বিনী বৈষ্ণব ধর্মেন্দ্রের মৃত্যুতে শোক প্রকাশ করেছেন।

Jual Oram :

কেন্দ্রীয় উপজাতি বিষয়ক মন্ত্রী জুয়াল ওরাম আজ নতুনদিল্লিতে উপ-রাষ্ট্রপতি সিপি রাধাকৃষ্ণের সঙ্গে দেখা করেন। উপ-রাষ্ট্রপতি সামাজিক মাধ্যমে বলেছেন যে বৈঠকে, তাঁকে উপজাতি জনগোষ্ঠীর কল্যাণে মন্ত্রকের উদ্যোগ সম্পর্কে অবহিত করা হয়। শ্রী রাধাকৃষ্ণ আদিবাসী জনগোষ্ঠীর

সকল অংশের কাছে কল্যাণমূলক প্রকল্পের সুবিধা পৌঁছানো নিশ্চিত করার প্রয়োজনীয়তার উপর জোর দেন। উপ-রাষ্ট্রপতি পুনর্ব্যক্ত করেন যে, আদিবাসী সম্প্রদায়ের কল্যাণ নিশ্চিত করা হলেই বিকশিত ভারতের দৃষ্টিভঙ্গি বাস্তবায়িত হতে পারে। শ্রী রাধাকৃষ্ণ উপজাতি শিক্ষার্থীদের জন্য মানসম্পন্ন উচ্চশিক্ষার সুযোগ নিশ্চিত করার প্রয়োজনীয়তার উপর জোর দেন এবং গত এগারো বছরে মন্ত্রকের বাজেট ব্যয় তিনগুণ বৃদ্ধির প্রশংসা করেন।

শ্রী ওরাম উপরাষ্ট্রপতিকে সারা দেশে একলব্য মডেল আবাসিক স্কুলগুলিকে আধুনিকীকরণ ও সম্প্রসারণের জন্য মন্ত্রকের পরিকল্পনা সম্পর্কে অবহিত করেন এবং ধরতি আবা জনজাতীয় গ্রাম উৎকর্ষ অভিযান, পিএম-জনমন এবং আদি কর্মযোগী অভিযানের মতো মূল প্রকল্পগুলি তুলে ধরেন।

Swacchata Special Campaign :

আকাশবানী আগরতলায় আয়োজিত বিশেষ স্বচ্ছতা অভিযানে প্রশংসিত কাজের জন্য আজ প্রসার ভারতীর এগারজন কর্মীকে সংবর্ধনা দেওয়া হয়েছে। আকাশবানী আগরতলার কনফারেন্স হলে আয়োজিত অনুষ্ঠানে উপস্থিত ছিলেন আকাশবানী আগরতলা কেন্দ্র অধিকর্তা শ্রী অশোক, ক্লাস্টার হেড জে বি চরকপল্লী, আকাশবানী বিলোনিয়ার কার্যনির্বাহী আধিকারিক হেমচন্দ্র সিং, আকাশবানী আগরতলার প্রোগ্রাম বিভাগের প্রধান জয়শ্রী দেববর্মা প্রমুখ। উল্লেখ্য, এই বছরের সেপ্টেম্বর মাস থেকে শুরু হওয়া বিশেষ স্বচ্ছতা অভিযানে অংশগ্রহনকারী কর্মীদের উৎসাহ দিতে এই অনুষ্ঠানের আয়োজন করা হয়।

Sadar 13 Cricket :

ত্রিপুরা ক্রিকেট এসোসিয়েশন পরিচালিত সদরের অনূর্ধ্ব ১৩ বছরের ক্রিকেট প্রতিযোগিতায় চাম্পামুড়া চ্যাম্পিয়ন হয়েছে। আজ নরসিংগড়ের পঞ্চায়েত মাঠে অনুষ্ঠিত নির্ণায়ক ম্যাচে চাম্পামুড়া কোচিং সেন্টার ৫ উইকেটে

ব্লাডমাউথ ক্লাবকে পরাজিত করে। এবার নিয়ে নয় বার চাম্পামুড়া এই আসরে খেতাব পেলো।

Weather :

আগামীকাল আকাশ সাধারণত পরিষ্কার থাকবে। সকালে হালকা থেকে মাঝারি কুয়াশা পড়ার সম্ভাবনা রয়েছে। আগামীকাল দিনের সর্বোচ্চ তাপমাত্রা ২৯ ডিগ্রি সেলসিয়াস এবং সর্বনিম্ন ১৫ ডিগ্রি সেলসিয়াসের কাছাকাছি থাকতে পারে। আজ দিনের সর্বোচ্চ তাপমাত্রা ছিল ২৯.২ ডিগ্রি সেলসিয়াস এবং সর্বনিম্ন ১৫.৪ ডিগ্রি সেলসিয়াস।
